





## Գլուխ



ավուտ անտառում մի սքանչելի փոքրիկ եղևնի կար: Նրա տեղը լավն էր, օդն ու լույսը՝ առատ, իսկ շուրջն ածել էին իրենից մեծ ընկերուհիները՝ եղևնիներն ու սոժիները: Մեր եղևնին շատ էր ուզում շուտ մեծանալ. նա չէր նկատում ո՛չ ջերմ արևը, ո՛չ զով օդը, ո՛չ գյուղացի բլբլան երեխաներին, ովքեր, ուրախ-ուրախ իրար ծայն տալով՝ անտառում մորի ու ելակ էին հավաքում: Ամանները լիքը լցնելով, կամ թե՛ պտուղներն ուլունքի պես բարակ ոստերին շարելով, նրանք եղևնու տակ նստում էին հանգստանալու և միշտ ասում.

– Ես ի՞նչ սիրուն եղևնի է: Որքա՞ն փոքրիկ է:

Բայց ծառը այսպիսի խոսքեր լսել անգամ չէր ուզում:

Անցավ մի տարի, և եղևնու վրա աճեց ճյուղերի մի նոր շրջան: Անցավ էլի մի տարի, ճյուղերի մի շրջան էլ ավելացավ: Այսպես ճյուղերի շրջաններով կարելի էր որոշել, թե եղևնին քանի տարեկան է:

– Ա՛հ, եթե ես այնքան մեծ լինեի, որքան մյուս ծառերը, – հառաչում էր եղևնին, – այն ժամանակ ես էլ լայն կփռեի իմ ճյուղերը, իսկ զագաթս հեռո՛ւ-հեռուները կդիտեր: Թռչունները բույներ կհյուսեին իմ ճյուղերի մեջ, իսկ քամին փչելիս ես էլ այնպես հպարտ-հպարտ գլխով կանեի, ինչպես մյուսները:

Եվ ո՛չ արեգակը, ո՛չ թռչունների երգը, ո՛չ վարդագույն ամպերը, որոնք առավոտյան ու երեկոյան լող էին տալիս նրա գլխավերևով՝ ոչ մի բավականություն չէին պատճառում նրան:

Եկավ ծնեռը, շուրջն ամեն ինչ ծածկվեց կուրացուցիչ սպիտակ ձյան գորգով, մեկ էլ հանկարծ՝ ձյան վրա վազվզում էր նապաստակը, իսկ երբեմն էլ՝ նույնիսկ ցատկում եղևնու վրայով. այն թե վիրավորական բան էր, հա՛: Էլի երկու ծնեռ անցավ, և երրորդին ծառն արդեն այնքան էր մեծացել, որ նապաստակն ստիպված էր լինում նրա կողքով անցնել:

«Այո՛, աճել ու աճել և շուտով դառնալ մեծ ու ծերունի ծառ: Պրանից լավ ի՞նչ կարող է լինել», – մտածում էր եղևնին:

Աշնանն անտառում փայտահատներ էին երևում և կտրում էին ամենամեծ ծառերը: Դա ամեն տարի էր լինում: Այժմ արդեն եղևնին մեծացել էր և, երբ հսկա ծառերն աղմուկով

ու ձեռնարկ գետնին էին բաժվում՝ նա վախից դողում էր: Այդ ծառերի ճյուղերը կտրատում էին, և այդ ժամանակ նրանց բները այնպես մերկ, բարակ ու երկար էին թվում, որ դժվար էր ճանաչել: Հետո գերանները դարձում էին բեռնասահնակների վրա և անտառից տանում:

Ո՛ւր, ինչի՞ համար:

Գարնանը, երբ ծիծեռնակներն ու արագիլները թռան-եկան, եղևին նրանց հարցրեց.

– Դուք չե՞ք իմանում, թե ո՛ւր տարան այստեղից ծառերը: Ձեզ չե՞ն հանդիպել:

Ծիծեռնակները ոչինչ չգիտեին, բայց արագիլներից մեկը մտածեց, գլխով արեց ու պատասխանեց.

– Այո, կարծում եմ, որ ես գիտեմ: Եզիպտոսից գալիս ծովի վրա ես շատ նոր-նոր նավեր տեսա, որոնք հիմանալի բարձր կայմեր ունեին: Երևի, դրանք հենց այդ ծառերն էին: Կայմերից եղևնու և տոճու բուրմունք էր գալիս: Ես ձեզ ողջույն եմ բերել այդ պատկառելի կայմերից:

– Ա՛հ, ի՞նչ կլինե՞ր՝ ես էլ շուտ մեծանայի ու ծովում ձանձկորդել սկսեի: Իսկ ի՞նչ բան է այդ ծովը: Ինչի՞ է նման:

– Է՛, դա արդեն երկար պատմելու բան է,– փնթվիմթաց արագիլն ու թռավ գնաց:

– Դու քո ջահելությամբ ուրախացիր,– ասում էին արեգակի ճառագայթները եղևնուն:– Ուրախացիր քո ամողջ, քո ջահել կյանքով:

Եվ քամին համբուրում էր ծառին, իսկ ցողն արցունքներ էր թափում նրա վրա, բայց եղևին դա չէր գնահատում:

Ծննդյան տոներից առաջ մի քանի բուրբուկին ջահել եղևնի կտրեցին: Դրանցից մի քանիսը նույնիսկ փոքր էին մեր եղևնուց, որն այնքա՛ն անհամբերությամբ ուզում էր մեծանալ: Բոլոր կտրված ծառերը շատ սիրուն էին: Դրանց ճյուղերը չկտրեցին, այլ ուղղակի դրին բեռնասահնակի վրա ու տարան:

– Այդ ո՛ւր,– հարցրեց եղևին:– Նրանք ինձանից մեծ չեն, մեկը նույնիսկ ինձանից էլ փոքր է: Եվ ինչո՞ւ բոլոր ճյուղերն իրենց վրա թողին: Ո՛ւր տարան:

– Մենք գիտենք, մենք գիտենք,– ծվծվացին ճնճուկները:– Մենք եղանք քաղաքում և լուսամուտներից ներս նայեցինք: Մենք գիտենք, թե ո՛ւր են տարել: Նրանք փառքի մեջ կընկնեն, նրանց այնպիսի պատիվ կտան, որ անհուն է պատմել: Մենք լուսամուտներից ներս ենք նայել և ամեն ինչ տեսել: Նրանց դրել էին սենյակի մեջտեղը և զարդարել ամե՛նահիրաշալի բաներով՝ ոսկեզօծած խնձորներով, մեղրահացերով, խաղալիքներով և հար՝ յուրավոր մոմերով:

– Իսկ հետո՞,– հարցրեց եղևին՝ իր բոլոր ճյուղերով դողալով:– Իսկ հետո՞... Հետո ի՞նչ արին նրանց:

– Այդ մենք չգիտենք: Բայց այն, ինչ տեսել ենք՝ մի սքանչելի բան էր:

– Գուցե թե՛ ես էլ այդ փայլուն ճանապարհն ընկնեմ,– ուրախանում էր եղևին:– Դա ավելի լավ է, քան ծովում լող տալը: Ա՛հ, ես ուղղակի հավիում եմ թախծից ու անհամբերությունից: Գոնե Ծննդյան տոնը շուտ գար: Հիմա ես էլ եմ բարձրահասակ ու ճյուղառատ, ինչպես այն եղևինները, որոնց անցյալ տարի կտրեցին: Ա՛հ, եթե ես արդեն բեռնասահնակի վրա պառկած լինեի: Ա՛հ, եթե ես արդեն տաք սենյակում կանգնած լինեի և զարդարված այդ բոլոր չքնաղ բաներով: Իսկ հետո՞... Հետո, երևի, էլ ավելի լավ կլինի, թե չէ՝ ինչո՞ւ պիտի գուգեն ինձ: Բայց, այնուհանդերձ, ի՞նչ կլինի: Ա՛հ, ինչպե՛ս եմ տխրում ես, ծգտում այնտեղ... Չեմ դիմանում: Ինքս էլ չգիտեմ, թե ինչ է կատարվում ինձ հետ:

– Ուրախացիր մեզանով,– ասացին նրան օդն ու արեգակի լույսը:– Ուրախացիր քո ջահելությամբ և անտառի լայնարձակությամբ:

Բայց եղևին չէր էլ մտածում ուրախանալ, այլ շարունակ աճում էր ու աճում: Ամառ թե ծմեռ նա կանգնած էր իր մուգ կանաչ հագուստով և, ով էլ տեսնում էր նրան՝ ասում էր. «Ի՛նչ հիմանալի մատղաշ ծառ է»:

Վերջապես, Ծննդյան տոնը եկավ, և առաջինը մեր եղևինն կտրեցին: Կացինը խորը խրվեց նրա մարմնի մեջ, և եղևինն տնքոցով ընկավ գետնին: Նա ցավ զգաց, թուլացավ ու

այլևս չէր կարողանում մտածել իր ապագա երջանկության մասին: Տխուր էր նրա համար բաժանվելը հարազատ անտառից, այն անկյունից, որտեղ աճել, մեծացել էր. նա գիտեր, որ այլևս երբեք չի տեսնելու իր սիրելի բարեկամներին՝ եղևնիներին ու տոճիներին, քփերին ու ծաղիկներին, գուցե թե՛ նաև թռչնականերին: Ի՞նչ տխուր ճամփորդություն էր դա: Եղևնին ուշքի եկավ այն ժամանակ, երբ ուրիշ ծառերի հետ ընկել էր ինչ-որ բակ. լսվում էր մի տղամարդու ծայն.

– Հիանալի՜ տոնածառ է: Ճիշտ և ճիշտ այսպիսին էինք ուզում մենք:

Եկան երկու զուգված ծառաներ, եղևնին վերցրին ու տարան մի հիանալի մեծ դահլիճ: Այստեղ պատերին դիմանկարներ էին կախված, իսկ հախճաձապե մեծ վառարանի որմնախորշերում դրված էին չինական սափորներ, որոնց կափարիչներին առյուծներ էին նկարված: Ամենուրեք շարված էին ճոճաթռներ, մետաքսով ծածկված բազմոցներ և խոշոր սեղաններ, որոնց վրա լցված էին նկարազարդ գրքեր ու խաղալիքներ՝ «հարյուրավոր դալեր արժողությամբ». համենայն դեպս, այդպես էին ասում երեխաները: Եղևնին խրեցին ավազով լի մի մեծ տակառի մեջ, որը փաթաթել էին կանաչ կտորով ու դրել նախշուն գորգի վրա: Ինչպե՞ս էր դողդողում եղևնին: Հիմա ի՞նչ է լինելու:

Ահա՛ եկան ծառաներն ու ջախել աղջիկները և սկսեցին ծառը զարդարել: Նրա ճյուղերին կախեցին զուռավոր թղթից կտրտված մանրիկ ցանցեր՝ քաղցրեղենով լի, իսկ ոսկեգոծած խնձորներն ու ընկույզները, ասես, հենց ճյուղերի վրա էին րուսնել: Կանաչ փշատերևների տակ տիկնիկներ էին ճոճվում, որոնք, կարծես, իսկ և իսկ կենդանի մարդուկներ լինեին: Եղևնին դեռ երբեք այդպիսի բաներ չէր տեսել: Վերջապես ճյուղերին ամրացրին հարյուրավոր մանր մոմեր՝ կարմիր, կապույտ, սպիտակ, իսկ ծառի գագաթին տնկեցին նուրբ քերթուկուց շինված մի մեծ աստղ: Մարդու աչքերը ալարզապես շաղվում էին այդ շքեղությանը նայելիս:

– Ինչպե՞ս կշողշողա, կփայլփլի տոնածառն այսօր երեկոյան, երբ մոմերը վառեն, – ասում էին բոլորը:

«Ա՛հ, – մտածում էր եղևնին, – գոնե մի շուտ զար երեկոն, և մոմերը վառեին: Բայց հետո ի՞նչ է լինելու: Գուցե թե՛ անտառի մյուս ծառե՛րն էլ կզան այստեղ, որ ինձ նայեն ու հիանան: Գուցե ճնճուկներ՝ը կթռչեն կզան լուսամուտների մոտ: Կամ, գուցե՛ ես կարմատակալեմ այս տակառի մեջ և ամառ-ձմեռ այսպես զուգված-զարդարված կմնամ այստեղ»:

**E-GIROQ.COM**



24 մի չէ՛, Կախո՞ւմակիդ բացախ... Լարված սպասումից նույնիսկ նրա կեղևն սկսեց ցավել, իսկ այդ ցավը ծառի համար նույնքան անտանելի է, որքան գլխացավը մեզ համար:

Բայց ահա և մոմերը վառեցին: Ի՞նչ փայլ, ի՞նչ շքեղություն: Եղևնու բոլոր ճյուղերը դողդողացին, և այդ ժամանակ մոմերից մեկը վառեց փշատերևները և, ճյուղն այրելով՝ խիստ ցավ պատճառեց ծառին:

— Այ՛, ա՛յ,— գոռացին օրիորդները և շտապ կրակը հանգցրին:

Այժմ եղևնին չէր համարձակվում դողալ: Ինչպե՞ս վախեցավ նա: Մանավանդ՝ այն պատճառով, որ վախենում էր զրկվել թեկուզ ամենափոքրիկ զարդից: Այդ ամբողջ փայլը նրան ուղղակի շշմեցրել էր: Բայց, ահա, դուռը լայն բացվեց, և երեխաների մի ամբողջ բազմություն սենյակը լցվեց. կարելի էր կարծել, թե նրանք ուզում են եղևնին տապալել: Նրանց հետևից ծանրաբարո քայլվածքով ներս մտան մեծահասակները: Մա-

նուկները մեխվածի պես կանգ առան, բայց միայն մի րոպե, իսկ հետո այնպիսի աղմուկ-աղաղակ բարձրացրին, որ մարդու ականջներն էին զնգում: Երեխաները պարում էին տոնածառի շուրջը և ամեն րոպե ծառից պոկում մերթ մի զարդարանքը, մերթ մյուսը:

«Այս ի՞նչ են անում,— վախեցած մտածում էր եղևնին:— Սա ի՞նչ է նշանակում»:

Մոմերն այրվելով հասան ճյուղերին, նրանց իրար հետևից հանգցրին, իսկ երեխաներին թույլատրեցին ծառը պոկել: Եթե գազաթի ոսկե աստղը ամուր կապված չլիներ առաստաղին՝ երեխաները ծառը կտապալեին:

Հետո նրանք նորից սկսեցին պարել՝ ձեռքից բաց չթողնելով իրենց սքանչելի խաղալիքները: Այլևս ոչ ոք եղևնուն չէր նայում՝ բացի պառավ դայակից, նա էլ միայն նայում էր, որ տեսնի՝ ճյուղերին խնձոր կամ խուրմա չի՞ մնացել:

— Հեքիա՞թ, հեքիա՞թ,— գոռացին երեխաները և քաշքշելով եղևնու մոտ բերին մի կարճահասակ հաստիկ մարդու:

Սա ծառի տակ նստեց ու ասաց.

— Ահա՛ և մենք անտառումն ենք: Թող եղևնին էլ լսի, դա նրան օգուտ կտա: Բայց ես միայն մի հեքիաթ կպատմեմ: Ո՞րն եք ուզում, Իվեղե-Ավեղեի՞ հեքիաթը, թե՞ Կլումպե-Դումպեի, որը թեպետև սանդուղից ցած զլորվեց, բայց և այնպես՝ մեծ հոջակի հասակ ու ձեռք բերեց արքայադստերը:

— Իվեղե-Ավեղեի՞նը,— գոռացին ոմանք:

— Կլումպե-Դումպեի՞նը,— գոռացին մյուսները:

Աղմուկ-աղաղակ բարձրացավ: Միայն եղևնին էր, որ լուռ կանգնած մտածում էր. «Ինձ մոռացե՞լ են, թե՞ այլևս ոչ ոք ինձ հետ գործ չունի»:

Եվ հենց այդպես էլ կար. նրա դերը վերջացել էր, և ոչ ոք նրան ուշադրություն չէր դարձնում:

Հաստիկ մարդը պատմեց հեքիաթը Կլումպե-Դումպեի մասին, որը, թեև սանդուղից ցած է զլորվել, բայց և այնպես՝ հոջակի է հասել ու ձեռք է բերել արքայադստերը:

Երեխաները ծափափարեցին ու գոռացին.

— Էլի՛, էլի՛:



Նրանք ուզում էին Իվեդե-Ավեդեի հեքիաթն էլ լսել, բայց ստիպված եղան գոհանալ միայն Կլումպե-Դումպեով:

Եղևին կանգնած էր լուռ ու մտախոհ: Ամտառի թռչնակները երբեք այսպիսի բան չէին պատմել: «Կլումպե-Դումպեն սանդուղքից ցած է գլորվել, բայց և այնպես՝ արքայադուստրը նրան է բաժին ընկել: Ա՜յ թե ինչեր են լինում աշխարհում,– մտածում էր եղևին: Նա հավատացել էր այն ամենին, ինչ հենց նոր լսեց, չէ՞ որ պատմողը մի այնպիսի՝ պատկառելի մարդ էր:– Այո՛, այո՛, ո՞վ է իմանում: Գուցե թե՛ ես էլ ցած ընկնեմ սանդուղքից, իսկ հետո արքայադուստր դառնամ,– և նա ուրախ մտածում էր վաղվա օրվա մասին: Իրեն նորից կգարդարեն մոմերով, խաղալիքներով ու մրգերով:– Վաղն արդեն ես չեմ դողդողա,– մտածում էր նա:– Ես ուզում եմ, ինչպես հարկն է, ի՞նքս տեսնեմ իմ գեղեցկությունը և հիանամ: Եվ վաղը ես նորից կլսեմ Կլումպե-Դումպեի հեքիաթը, գուցե թե Իվեդե-Ավեդեի հեքիաթը նույնպես»:– Եվ ծառն ամբողջ գիշերը կանգնեց՝ երազելով վաղվա օրվա մասին:

Առավոտյան եկան ծառաներն ու սպասուհին: «Հիմա կսկսեն նորից զարդարել ինձ»,– մտածում էր եղևին: Բայց նրան սենյակից դուրս տարան, սանդուղքով վերև քաշեցին և խցկեցին ձեղնահարկի ամենամութ անկյունը, ուր նույնիսկ ցերեկվա լույսը չէր թափանցում:

«Այս ի՞նչ է նշանակում,– մտածում էր եղևին:– Ի՞նչ եմ անելու ես այստեղ: Ի՞նչ կարող եմ տեսնել ու լսել այստեղ»:– Եվ նա, պատին հենված, մտածում էր ու մտածում... Մտածելու համար ժամանակ շատ ուներ: Օրերն անցնում էին իրար հետևից, բայց ոչ ոք նրան չէր մոտենում: Միայն մի անգամ մարդիկ եկան և մի արկղ բերին: Ծառը կանգնած էր իր տեղում և, կարծես, նրան բոլորովին մոռացել էին:

«Դուրսը ձմեռ է,– մտածում էր եղևին:– Գետինն ամրացել է և ձյունով ծածկվել, նշանակում է՝ չի կարելի ինձ նորից տնկել հողի մեջ, ահա՛ այդ պատճառով էլ ստիպված եմ մինչև գարուն մնալ տանիքի տակ: Ի՞նչ խելոք բան են մտածել: Որքա՛ն բարի են մարդիկ: Ա՜հ, եթե միայն այստեղ այսքան մութ չլիներ ու այսպես անտանելի ամայի... Նույնիսկ մի նապաստակ էլ չկա... Իսկ անտառում որքա՛ն ուրախ էր: Շուրջը՝ ձյուն, իսկ ծյան վրա նապաստակներն էին վազվզում: Որքա՛ն լավ էր: Նույնիսկ այն ժամանակ, երբ նրանք իմ վրայով էին ցատկում, թեև դա ինձ բարկացնում էր: Իսկ այստեղ ի՞նչ մենակություն է!»:–

– Ծղվ-ծղվ-ծղվ,– հանկարծ ճտտաց մի մկնիկ և դուրս պրծավ բնից, իր հետևից էլ՝ մի ուրիշ պատվիկը. նրանք սկսեցին ծառը հոտոտել ու նրա ճյուղերի արանքով վազվզել:

– Ա՜յ թե ցուրտ է այստեղ,– ծվծվում էին մկնիկները:– Թե որ մի քիչ տաք լիներ՝ ի՞նչ լավ կլիներ: Ճիշտ չե՞մ ասում, պառա՛վ եղևին:

– Ես ամենին էլ պառավ չեմ,– պատասխանեց եղևին:– Ինձանից հասակով շատ ծառեր կան:

– Դու որտեղի՞ց ես եկել և ի՞նչ բան գիտես,– հարցրին մկնիկները, որոնք շատ հետաքրքրաբեր բնավորություն ունեին:– Պատմիր մեզ՝ աշխարհում ո՞րն է ամենալավ տեղը: Դու եղե՛լ ես այնտեղ: Երեկիցե դու եղե՛լ ես մառախում, որտեղ դարակներին պանրի գլուխներ են դարսված, իսկ առաստաղից ապուխտներ են կախված, և որտեղ կարելի է պարել ճարպի մոմերի վրա: Նիհարած մտնես այնտեղ՝ դուրս կգաս չաղացած:

– Զէ՛, ես այդպիսի տեղ չգիտեմ,– պատասխանեց եղևին:– Բայց գիտեմ մի անտառ, որտեղ արև է, և թռչուններ են երգում:– Եվ նա պատմեց իր պատանեկության մասին:

Մկնիկները երբեք այդպիսի բան չէին լսել և շատ էին զարմանում:

– Ինչքա՛ն շատ բան ես տեսել,– ծվծվացին նրանք:– Ի՞նչ երջանիկ ես եղել:

– Երջանի՞կ,– կրկնեց եղևին և հիշեց այն ժամանակը, որի մասին հենց նոր խոսում էր:– Այո՛, թերևս, այն ժամանակ ես վատ չէի ապրում:

Հետո նա պատմեց այն օրվա մասին, երբ իրեն զարդարել էին մոմերով ու քաղցրավենիքով:

– Օ՛,– ծվծվացին մկնիկները:– Ի՞նչ երջանիկ ես եղել, պառա՛վ եղևին:

– Ես ամենահինն էլ պատմում չեմ, – առարկեց եղևինը: – Ինձ հենց այս ծնունդն են բերել անտառից: Իմ լավ ժամանակն է: Դեռ նոր եմ միայն մեծացել:

– Ի՞նչ լավ ես պատմում, – գոչեցին մկնիկները և մյուս գիշեր իրենց հետ բերին էլի չորս մկնիկ, որ նրանք էլ լսեն եղևինու պատմությունները: Իսկ եղևինն ինքը, որքան ավելի էր պատմում այնքան ավելի պարզ էր պատկերացնում իր անցյալը, և նրան թվում էր, թե շատ լավ օրեր է անցկացրել:

– Բայց այդ օրերը կվերադառնան: Կվերադառնան: Այ, Կլումպե-Դումպեն էլ սանդուղքից գլորվեց, բայց և այնպես՝ արքայադուստրը նրան բաժին ընկավ: Գուցե թե՛ ես էլ արքայադուստր դառնամ:

Այդ ժամանակ եղևինն հիշեց այն գեղեցիկ կեչին, որ աճել էր իրենից ոչ հեռու, անտառի բավուտում: Իսկապես՝ գեղեցկուհի արքայադուստր:

– Ո՞վ է այդ Կլումպե-Դումպեն, – հարցրին մկնիկները:

Եվ եղևինն նրանց պատմեց այդ հեքիաթը, որը բառ առ բառ հիշում էր: Մկնիկներն այնքան էին հիացած, որ ցատկում էին համարյա մինչև ծառի գագաթը: Հաջորդ գիշեր եկան էլի մի քանի մկներ, իսկ կիրակի օրը՝ նույնիսկ երկու առնետ: Առնետներին հեքիաթն ամենահինն էլ դուր չեկավ, և դա վշտացրեց մկներին, բայց այժմ նրանք էլ այնքան չէին հիամում, որքան առաջին անգամ:

– Դուք հենց միայն այդ պատմությո՞ւնը գիտեք, – հարցրին առնետները:

– Միայն, – պատասխանեց եղևինը: – Ես սա լսել եմ իմ կյանքի ամենաերջանիկ երեկոյին: Ի դեպ, այն ժամանակ ես դեռ չէի հասկանում, որ իմ ամենաերջանիկ երեկոն է:

– Վերին աստիճանի ողորմելի պատմություն է: Իսկ դուք հեքիաթներ չգիտե՞ք ճարպի կամ ճարպամոմերի մասին, կամ թե՛ մառանի մասին:

– Չէ՛, – պատասխանեց ծառը:

– Դե՛, մնաց բարով, – ասացին առնետները և հեռացան:

Մկներն էլ դեսուդեն փախան: Եվ եղևինն հառաչեց.

– Ինչքա՛ն հաճելի էր, երբ ժիր մկնիկները շուրջս նստած լսում էին իմ պատմությունները: Բայց, ահա, դա էլ վերջացավ... Դե՛, հիմա արդեն ես իմ բախտը ծեռքիցս չեմ փախցնի. երբ ինձ այստեղից լույս աշխարհի հանեն՝ ուզածիս չափ կուրախանամ:

Բայց այնքան էլ չուտ չեղավ այդ:

Մի առավոտ մարդիկ եկան ձեղնահարկը կարգի բերելու: Արկղները դուրս տարան, դրանց հետևից էլ՝ եղևինն: Սկզբում նրան բավական կոպիտ ձևով նետեցին հատակի վրա, հետո սպասավորը սանդուղքով բարձր տվեց ցած:

«Դե՛, հիմա ինձ համար նոր կյանք է սկսվում», – մտածեց եղևինը:

Եվ, իրո՞ք, թարմ օդ փչեց, արեգակը շողաց. եղևինն բալկոնն էր: Այս ամենն այնքան արագ կատարվեց, շուրջն այնքան նոր բան կար, այնքան հետաքրքիր բան, որ նա նույնիսկ իրեն նայել չկարողացավ: Բակին կից կար մի այգի, իսկ այգում ամեն ինչ կանաչել էր ու ծաղկել: Ցանկապատի վրայով կախվել էին բուրումնավետ թարմ վարդեր, լորենինները ծաղկել էին, ծիծեռնակներն այս ու այն կողմ էին թռչում ու ձգվում:

– Ծիվ-ծիվի-վիտ, ամուսինս վերադարձել է:

Բայց դա եղևինն չէր վերաբերում:



– Հիմա ե՛ս էլ ուզածիս պես կապրեմ,– ուրախացավ եղևինն և իր ճյուղերն ուղղեց, բայց ավա՛ղ: Ինչպե՛ս էին թռչնել ու դեղնել նրա ճյուղերը:

Ծառն ընկած էր բակի մի անկյունում, եղինջի ու մոլախոտերի մեջ: Ոսկե աստղը դեռ փայլում էր գագաթին:

Բակում ուրախ խաղում էին այն նույն երեխաները, ովքեր Ծննդյան տոնին պարում էին տոնածառի շուրջը և այնպե՛ս ուրախանում: Նրանցից մեկը հանկարծ աստղը տեսավ և ծառից պոկեց:

– Մի տես, թե ի՛նչ է մնացել էս քոսոտ պառավ եղևնու վրա,– գոչեց նա և ոտքը դրեց ծառի ճյուղերին: Գլուխը ծրծրթաքին:

Եղևինն նայեց այգու ջահել, թարմ ծաղիկներին, հետո էլ՝ իրեն և ափսոսաց, որ չի մնացել ծեղնահարկի մթին անկյունում: Նա մտաբերեց և՛ իր ջահելությունը, և՛ անտառը, և՛ ճրագալույցի ուրախ տոնը, և՛ մկնիկներին, որոնք հափշտակված լսում էին Կլումպե-Դումպեի հեքիաթը...

– Ամեն ինչ անցավ, ամեն ինչ անցավ,– մրմնջաց խեղճ եղևինն:– Եվ ինչո՞ւ ես չեի ուրախանում, քանի դեռ ժամանակ կար: Իսկ հիմա... ամեն ինչ անցավ, ամեն ինչ անցավ...

Ծառան մի կացին թերեց և եղևինն կտոր-կտոր արավ. մի ամբողջ կապ կաշան ստացվեց: Ինչպե՛ս թեժ էին վառվում կաշանները մեծ կաթսայի տակ: Ծառը խորը-խորը հառաչում էր, և այդ հառաչանքները նման էին ցածրաձայն կրակոցների: Վազեվազ եկան երեխաները և նստեցին կրակի առաջ: Նրանք ամեն մի կրակոց դիմավորում էին ուրախ կանչերով. «ՊիՖ-պաՖ»: Իսկ եղևինն ծանր հառաչելով հիշում էր ամռան պայծառ օրերը, ծմռան աստղազարդ գիշերներն անտառում, Ծննդյան ուրախ տոնը և Կլումպե-Դումպեի հեքիաթը՝ միակ հեքիաթը, որ բախտ էր ունեցել լսելու, և որը կարողանում էր պատմել... Եվ ահա, վերջապես, վառվեց-վերջացավ:

Տղաներն էլի խաղում էին բակում, ամենաափոքրիկի կրծքին փայլվում էր այն նույն ոսկե աստղը, որը զարդարում էր եղևնուն՝ իր կյանքի ամենաերջանիկ երեկոյին: Այդ երեկոն անցավ, սուզվեց հավիտենության գիրկը, տոնածառի վերջը հասավ, հասավ նաև մեր հեքիաթի վերջը: Վերջ, վերջ: Աշխարհում ամեն ինչ վերջ է ունենում:

E-GIRQ.COM